

Профсоюзн кӧдлмшт шин ӧӧдлт тетгхмн

КПСС-н Элст балгъсна комитетин хойрдгч пленум болв. Пленум ним тӧрмудӧр куундвр кев: 1. КПСС-н ЦК-н декабрьск Пленумин дигин болн балгъсна партийн организацин тӧрмудин тускар. 2. Школмудт производствени сургълг кехин тускар. 3. Бурдӧмджин тӧрмуд.

Турун тӧрӧр доклад кесн КПСС-н балгъсна комитетин негдгч сеглӧтр ур Трубицын А. А., КПСС-н ЦК-н Пленумин шнидврмудин тускар келхлӧрн теднӧ политическ болн ӧдр болгъна кӧдлмшт ик чинртӧгъинь заав.

Одгӧ цагт нарт делкӧн бӧӧдлин туск ончта ик тӧрмудӧр КПСС-н XX-ч хург шин дигс болн заавр кесинь Москвад болсн Коммунистическ болн кӧдлмшч партъсин элчнрин Совещань зӧвшӧрсмн. Иим йовдл тер партъс мана олн-ӧмтнд, Советск Союзд, мана партъд итклӧн ӧгчӧхинь узулдӧнӧ гидж Трубицын келв.

КПСС-н ЦК-н Пленум СССР-н профсоюзмудин кӧдлмшин тускар гаргъсн токтарвн ик чинртӧ. Кесг олн улгур келӧд, докладчик, балгъсна эдл-ахуг цаарандн ӧргдж-ӧскхин тӧлӧ ноолдлгънд, социалистическ дӧрлдӧ делгруллгънд, куч-кӧлсчнрин бӧӧдл-бӧӧхинь ясрулхд профсоюзн организацин нилчнь ягӧдж ӧссинь узулв.

Болв докладчик чигн, куундврт орлцдж уг келцхӧсн улс чигн, балгъсна профсоюзн организацин кӧдлмшт ик дуту-дунд бӧӧнӧ, эн учрар производствени зура кӧцӧлгънӧ йовудт тату-тартг гарад, сул халхн чигн узгдӧд йовб гидж келцхӧв.

Балгъсна зӧрм предприятие-сӧр-ремстройконторт, тосна заводт, балгъсна промкомбинатд, тосхлтин 2-ч управленьд, Буратинск совхозд профорганизацин кӧдлмшнь ик сул. Балгъсна промкомбинатин болн ремстройконторин профсоюзн организацин бӧӧрн комитетин ахлачнр Штыков болн Селезнев кӧдлмш гарддж кех бӧӧгхӧ, бийснь куч-кӧлснӧ диг-дараг эвдӧд йовдж. Тосхлтин 2-ч управленьд кӧдлмшчнрин хург хая-хая кегднӧ, соцдӧрлдӧнд тосхачнр сулар орлцна, эн учрар тосхлтин зура хашнӧгар кӧцӧгддж йовна. Буратинск совхозд, 400 гар профсоюзини чледӧд бӧӧнӧ, болв кӧдлмшнь икӧр ард хоцрдж йовна.

Куундврт орлцхасн уурмуд Манушев (балгъсна промкомбинат), Богатырев (ремстройконторт), Салова (тосхлтин 2-ч управленьд), Манцынов (тангъгчин профсовет), нань чигн, эклц профсоюзн организацс производствени совещань келгънд, администратц болн профсоюзмуд хоорнд кеглдг бооцанд, советск куч-кӧлснӧ зака харлгънд багъар оньган тухсана гидж келцхӧв.

КПСС-н балгъсна комитетин пленум профсоюзн организацин кӧдлмшт бӧӧх ик дуту-дунд йовдлмуд уурулгӧ бӧӧдгин нег учрнр партийн комитетсин гардврнр сул боллгън гидж темдглв. Балгъсна комитет чигн, эклц партийн организацс чигн профсоюзин кӧдлмшин туск тӧрмуд багъар куундврт тӧвцхӧнӧ, бӧӧрн комитетсин гардврт йовх улсиг батлгъна тӧрт оньган ӧгхш.

Хойрдгч тӧрӧр КПСС-н балгъсна комитетин сеглӧтр ур Никитина А. М. доклад кев. Нидн джил балгъсна школмудас производствени хойр бригад, нег звено бурдӧгдснд зу гар сургъульчнр кӧдлцхӧв. Сталинӧ нертӧ колхозд 45 сургъульчнр орлцсн бригад гарад тӧрӧнӧ кӧдлмшт сӧн нӧкдӧн кӧргв. Ленинӧ нертӧ колхозд болхла звено гарсн, колхозин гардачнрин килмдж сул болсар кӧцӧврнр узмджтӧ болсн уга. Плодопитомникин совхозд сургъульчнрин бригад кӧдлсн дамшлтнь му болдж гарсн уга.

Эн джил болхла дунд школ болгън производствени бригад, долан джилӧ школ болгън звено бурдӧх зӧвтӧ. Эдн нургълдж тӧрӧнӧ кӧдлмшт-эрдни-шинӧ, темс, сад тӧрлгънӧ кӧдлмшт йовцхӧамн.

Докладчик болн куундврт орлцсн уурмуд Кривоносов (Ленинӧ нертӧ колхоз), Сафонов (Сталинӧ нертӧ колхоз), Польшиннова (балгъсна эрдм-сургъулин отделин заведующ), Кудинов („Победа“ колхоз), Беглеев (2-ч номертӧ дундин школ), нань чигн школмудт производствени сургълг келгън балгъснд ода чигн партийн, советск, сургъуль-эрдмин органмудин оньгд тусад уга гидж келцхӧв.

Школмудин производствени бригадс сургъульчнрин дуринь сунгъгдж бурдӧгдхмн, эднд сӧн специалистнр батлдж ӧгӧд кӧдлмшнь узмджтӧ кевӧр кегдлгъ тетгхмн, сургъульчнр кӧдлмшӧн кен йовдж амрх цаг бас олзлх зӧвтӧ, эднӧ бригадст сӧн дамшлт, ӧбдӧн агротехник делгур орулгдх учрта гидж тедн заацхав.

Пленум куундвр кесн тӧрмудӧрн делгур болн тодрха шнидврмуд авб.

Пленум бурдӧмджин туск тӧр хӧлӧгӧд ур Манцынов Б. О., тангъгчин профсоветин оргбюрон ахлачд сунгъгдсн учрар, КПСС-н балгъсна комитетин хойрдгч сеглӧтрӧс болн бюрон членӧс теруг сулдхв. КПСС-н балгъсна комитетин хойрдгч сеглӧтрт ур Бимбаев М. Т. сунгъгдв, бюрон членд эн орулгдв. Ур Залесский М. С., КПСС-н балгъсна комитетин бюрон ханӧс сулдхгдв, энунӧ орчд ур Байликов Ф. С. орулгдв, КПСС бюрон чледи канцидлт ур Кутенко С. П. орулгдв.